

2. Ako se utvrdi da neki izabrani zvaničnik, nosilac izvršne funkcije ili savjetnik krši odredbe čl. 9. i 10. taj zvaničnik ili nosilac izvršne funkcije kaznit će se novčanom kaznom u iznosu od 1.000 KM do 10.000 KM. Zvaničnik, nosilac izvršne funkcije ili savjetnik također ima obavezu da vrati poklon ili novac koji je ekvivalentan vrijednosti poklona.
3. Ako se utvrdi da izabrani zvaničnik, nosilac izvršne funkcije ili savjetnik krši odredbe čl. 1., 5., 6., 7., 8., 9. i 10. ovog zakona, on se smatra nepodobnim za radno mjesto u državnoj upravi ili za mjesto savjetnika najduže četiri godine nakon počinjenog prekršaja. Ova odredba također se primjenjuje na izabranog zvaničnika, nosioca izvršne funkcije ili savjetnika na dopustu sa radnog mjesta u državnoj upravi. U tom slučaju, on je dužan proći postupak javnog konkursa kako bi ponovo stupio u državnu upravu po isteku perioda nepodobnosti.
4. Ako se utvrdi da bliži srodnik izabranog zvaničnika, nosioca izvršne funkcije ili savjetnika krši odredbu člana 10., taj član porodice kaznit će se novčanom kaznom u iznosu od 1.000 KM do 10.000 KM. Zvaničnik, nosilac izvršne funkcije ili savjetnik također može biti novčano kažnjen u jednakom iznosu ako se utvrdi da mu je ranije bilo poznato postojanje sukoba interesa ili poklona.
5. Svako preduzeće za koje se utvrdi da krši čl. 13., 14. ili 16. kaznit će se novčanom kaznom u iznosu od 1.000 KM do 20.000 KM i nema pravo sklapati ugovor sa bilo kojim organom vlasti ili agencijom u periodu od četiri godine nakon počinjenog prekršaja.
6. Novčane kazne na osnovu ovog poglavlja plaćaju se Izornoj komisiji.

Član 21. Zastarjevanje

Postupak za primjenu sankcija u vezi s kršenjem ovog zakona mora se pokrenuti u roku od četiri godine od utvrđivanja navodnog kršenja Zakona.

Četvrto poglavlje - Obim Zakona

Član 22.

Primjena Zakona na entitete i Brčko Distrikt

1. Entiteti i Brčko Distrikt donijet će svoje zakone u roku od 60 dana od dana stupanja na snagu ovog zakona.
2. Do donošenja zakona u oblasti sukoba interesa na entitetskom nivou i nivou Brčko Distrikta, entiteti i Brčko Distrikt primjenjivat će odredbe utvrđene u ovom zakonu.
3. Odredbe zakona iz stava 1. ovog člana ne smiju biti u suprotnosti s ovim zakonom.

Peto poglavlje - Prijelazne i završne odredbe

Član 23.

Stupanje na snagu

1. Zakon stupa na snagu narednog dana od dana objavljivanja rezultata Izбора koji će se održati u oktobru 2002. godine.
2. Zakon će biti objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

PS BiH broj 60/'02
20. juna 2002. godine
Sarajevo

Predsjedavajući Predstavničkog doma Parlamentarne skupštine BiH Mariofil Ljubić, s. r.	Predsjedavajući Doma naroda Parlamentarne skupštine BiH dr. Nikola Špirić, s. r.
--	--

148

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na sjednici Doma

naroda, održanoj 25. juna 2002. godine, i na sjednici Predstavničkog doma, održanoj 3. jula 2002. godine, usvojila je

ZAKON

O IZMJENAMA I DOPUNAMA OKVIRNOG ZAKONA O PRIVATIZACIJI PREDUZEĆA I BANAKA U BOSNI I HERCEGOVINI

Član 1.

U Okvirnom zakonu o privatizaciji preduzeća i banaka u Bosni i Hercegovini ("Službeni glasnik BiH", broj 14/'00) član 2. stav 3. mijenja se i glasi:

"Nijedan proces restitucije, privatizacije preduzeća i banaka neće prejudicirati rješavanje po zahtjevima za restituciju koji se mogu podnijeti u skladu s važećim zakonima o restituciji; s tim da svaki entitetski zakon o restituciji isključuje preduzeća i banke koji su predmet restitucije, kao i njihovu zemlju, imovinu i zgrade, iz naturalne restitucije, te predvidi da nadležni organi vlasti osiguraju pravičnu nadoknadu svim zakonskim podnosiocima."

Član 2.

Ovaj zakon stupa na snagu osmog dana od dana objavljivanja u "Službenom glasniku BiH".

PS BiH broj 62/'02
3. jula 2002. godine
Sarajevo

Predsjedavajući Predstavničkog doma Parlamentarne skupštine BiH Mariofil Ljubić, s. r.	Predsjedavajući Doma naroda Parlamentarne skupštine BiH dr. Nikola Špirić, s. r.
--	--

149

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na sjednici Doma naroda, održanoj 25. juna 2002. godine, i na sjednici Predstavničkog doma, održanoj 3. jula 2002. godine, usvojila je

ZAKON

O IZMJENAMA I DOPUNAMA ZAKONA O POPUNJAVANJU UPRAŽNJENOG MJESTA ČLANA PRESJEDNIŠTVA BOSNE I HERCEGOVINE

Član 1.

U Zakonu o popunjavanju upražnjenog mjesta člana Predsjedništva Bosne i Hercegovine ("Službeni glasnik BiH", broj 21/'00) član 6. stav 2. mijenja se i glasi:

"Ako Dom naroda odbije dva puta nominirane koje predloži Predstavnički dom na osnovu ovog člana, tada treći nominirani kojeg bira Predstavnički dom popunjava upražnjeno mjesto bez daljeg potvrđivanja od Doma naroda."

Član 2.

U članu 7. period od "30 dana" briše se i zamjenjuje periodom od "120 dana".

Član 3.

Ovaj zakon stupa na snagu osmog dana od dana objavljivanja u "Službenom glasniku BiH".

PS BiH broj 63/'02
3. jula 2002. godine
Sarajevo

Predsjedavajući Predstavničkog doma Parlamentarne skupštine BiH Mariofil Ljubić, s. r.	Predsjedavajući Doma naroda Parlamentarne skupštine BiH dr. Nikola Špirić, s. r.
--	--